

四庫全書

集部

欽定四庫全書

集部

御定全唐詩卷四百九十六

詳校官庶吉士臣胡鉉

主事銜臣徐以坤覆勘

總校官知縣臣繆琪

校對官助教臣羅萬選

謄錄監生臣趙興文

欽定四庫全書

御定全唐詩卷四百九十六

姚合

姚合陝州硤石人宰相崇曾孫登元和進士第授武功主簿調富平萬年尉寶曆中監察御史戶部員外郎出荆杭州刺史後為給事中陝號觀察使開成末終秘書監與馬戴費冠卿殷堯藩張籍遊李頻師之合詩名重於時人稱姚武功云詩七卷

送狄尚書鎮太原

授鉞儒生貴，傾朝赴餞筵。
麾幢官在省，禮樂將臨邊。
代馬龍相雜，汾河海暗連。
遠戎移帳幕，高鳥避旌旃。
天下屯兵處，皇威破虜年。
防秋嫌壘近，入塞必身先。
中外恩重疊，科名歲接連。
散材無所用，老向瑣闥眠。

送楊尚書祭西

一本無西字 嶽

報功嚴祀典，寵詔下明庭。
酒氣飄林嶺，香煙入杳冥。
樂清三奏備，詞直百神聽。
衣拂雲霞濕，詩通水石靈。
何因

逐騎暫得到巖扃

送李侍御過夏州

一作送李
廓侍郎

酬恩不顧名走馬覺身輕
迢遞河邊路蒼茫塞上城
沙寒無宿雁虜近少閒兵
飲罷揮鞭去旁人意氣生

送李起居赴池州

天子念疲民分憂輟侍臣
紅旗高起焰綠野淨無塵
闕下親知別江南惠化新
朝昏即千里且願話逡巡

送劉詹事赴壽州

慇懃莫遽起四坐悲同袍世上詩難得林中酒更高
隋隄傍楊柳楚驛在波濤別後書頻寄無辭費筆毫

送裴大夫赴亳州

杭人遮道路垂泣浙江前譙國迎舟艦行歌汴水邊
周旋君量遠交代我才偏寒日嚴旌戟晴風出管絃
一枯誠淡薄四坐願留連異政承殊澤應為天下先

送徐州韋僅行軍

餞幕儼征軒行軍歸大藩山程度函谷水驛到夷門
曉

日詩情遠春風酒色渾
逡巡何足貴所貴盡殘樽

送劉禹錫郎中赴蘇州

三十年來天下名
銜恩東守闔閭城初經咸一作谷眠

山驛漸入梁園問水程
霽日滿江寒浪靜春風遶郭白

蘋生虎丘野寺吳中少
誰伴吟吟詩月裏行

州城全是故吳宮
香徑難尋古蘚中雲水計程千里遠
軒車送別九衢空
鶴聲高下聽無盡潮色朝昏望不同
太守吟詩人自理
小齋閒卧白蘋風

送賈謩赴共城營田

上國羞長選，戎裝貴所從。
山田依法種，兵食及時供水。
氣詩書軟嵐，煙筆硯濃幾時無事擾，相見得從容。

送裴宰君

見說為官處，煙霞思不窮。
夜猿啼戶外，瀑水落廚中。
名藥人難識，仙山路易通。
還應施靜一作施清淨化，誰復與君同。

送顧非熊下第歸越

失意尋歸路，親知不復過。
家山去城遠，日月在船多。
楚塞數逢雁，浙江長有波。
秋風別鄉老，還聽鹿鳴歌。

送雍陶遊蜀

春色三千里，愁人意未開。
木梢穿棧出，雨勢一作氣隔江

來。荒館因花宿，深山羨客迴。
相如何物在，應只有琴臺。

送崔約下第歸揚州

滿座詩人吟送酒，離城此會亦應稀。
春風下第時稱屈，秋卷呈親自束歸。
日晚山花當馬落，天陰水鳥傍船飛。

江邊道路多苔蘚塵土無由得上衣

送李廓侍御赴西川行營

不道弓箭罷官唯醉眠何人薦籌策走馬逐旌旃陣
變孤虛外功成語笑前從今鴛州路無復有烽煙

送楊尚書赴東川

卻穀詩書將銜恩赴梓州遶身垂印綬護馬執戈矛劍
閣和銘峭巴江帶字流從來皆惜別此別復何愁

送邢郎中赴太原

上將得良策恩威作長城如今并州北不見有胡兵晉
野雨初足汾河波亦清所從古無比意氣送君行

送裴中丞赴華州

我夢何曾應看君渡滻川自無仙掌分非是聖心偏

去年

曾夢除華州刺史
故此敘述而已

徑草多生藥庭花半落泉人間有此

郡況在鳳城邊

送徐員外赴河中從事

赤府從軍美儒衣結束輕涼颺下山寺曉浪滿關城閒

坐饒詩景高眠長道情將軍不戰術計日立功名

送殷堯藩侍御赴同州

吟詩擲酒船仙掌白樓前從事關中貴主人天下賢此
生無了日終歲踏離筵何計因歸去深山恣意眠

送崔中丞赴鄭州

僕射陂前郡清高越四鄰丹霄鳳詔下太守虎符新霧
濕關城月花香驛路塵連枝栢庭樹歲歲一家春

送丁端公赴河陰

炎天木葉焦，曉夕絕涼飈。
念子獨歸縣，何人不在朝。
市連風浪動，帆徹海門遙。
飲盡樽中酒，同年同一作共寂寥。

送鄭尚書赴興元

儒有登壇貴，何人得此功。
紅旗燒密雪，白馬踏長風。
斧鉞來天上，詩書理漢中。
方知百勝略，應不在彎弓。

送田使君赴蔡州

長年離別情，百盞酒須傾。
詩外應無思，人間半是行。
路遙嘶白馬，林斷出紅旌。
功業今應立，淮西有勁兵。

送無可上人遊邊

一鉢與三衣，經行遠近隨。
出家還養母，持律復能詩。
春雪離京厚，晨鐘近塞遲。
亦知蓮府客，夜坐喜同師。

送僧

人間擾擾唯閒事，自見高人只有詩。
寂寞一作舊住嵩峰雲

外寺常多夢

一作聞定

裏過齋時

城中聽得新經論，却過關東說向人。
舊國門徒終日望，見時應是見真身。

送宋慎言

童穉便知聞如今祇有君百篇詩盡和一盞酒須分驛
路多連水州城半在雲離情同落葉向晚更紛紛

送家兄赴任招義

早得白眉名之官濠上城別離浮世事迢遞長年情廣
陌垂花影遙林起雨聲出關春草長過汴夏雲生黯吏
先潛去疲人相次迎宴餘和酒拜魂夢共東行

送崔玄亮赴果州冬夜宴韓卿宅

蘭燭照重茵飛盃復幾分主人寒不寐上客曉離羣騎
吏緣青壁旌旗度白雲劔銘生蘚色巴字疊冰文華省
思仙侶疲民愛使君泠泠唯自適郡邸有誰聞

送喻鳧校書歸毘陵

主人庭葉黑詩稿更誰書闕下科名出鄉中賦籍除山
春煙樹衆江遠晚帆疎吾亦家吳者無因到弊廬

送董正字武歸常州覲親

路岐知不盡離別自無窮行客心方切主人樽未空楚

檣收月下江樹在潮中人各還家去還家慶不同

送蕭正字往蔡州賀裴相淮西平

相府旌旄重還邀上客行今朝郭門路初徹蔡州城從
馬唯還一作提酒防身不要兵從來皆作使君去是時平

送進士田卓入華山

何物隨身去六經與一琴辭家計已久入谷住一作住谷跡

應深偶坐僧同石閒書葉滿林業成一作他年須謁帝無貯

白雲心

送右司薛員外赴處州

懷中天子書腰下使君魚瀑布和雲落仙都與世踈遠
程兼水陸半歲在舟車相送難相別南風入夏初

送王建秘書往渭南莊

白鬚芸閣吏羸馬月中行莊僻難尋路官閒易出城看
山多失一作吹飯過寺故題名秋日田家作唯添集卷成

送殷堯藩侍御遊山南

詩境西南好一作勝一作勝一作勝一作勝秋深一作聲晝夜蛩人家連水影

驛路在山峰谷

一作地
一作溪

靜雲生石天寒

一作晴

雪覆松我

為公府繫不得此相從

送李植侍御

聖代無邪觸空林
獬豸歸誰知隴山鳥長繞玉樓飛
風雨依山急雲泉入郭微
無同昔年別別後寄書稀

送王澹

常省為

一作居

官處門前數樹松
尋山屐費齒書石筆無

鋒果熟猿偷亂花繁鳥語重
今來為客去惜

一作借取最

高峰

送崔之仁

一作別
劉得仁

欲出還成住前程甚謫遷
伴眠隨客醉愁坐似僧禪
舊國歸何處春山買欠錢
幾時無一事長在故人邊

送孫山人

山翁來帝里

一作人
言語質

不肯住

一作住
世恨

多時塵土衣裳重

腥羶僕隸飢

一作肥

林中愁不到城外老應遲
喧寂一為

離

一作別
相逢未有期

送費驤

兄寒弟亦飢，力學少閒時。
何路免為客，無門賣得詩。
幾人攜酒送，獨我入山遲。
少小同居止，今朝始別離。

送河中楊少府宴崔駙馬宅

鳳凰樓下醉醺醺，晚出東門蟬漸聞。
不使鄉人治一作修

驛路，却將家累宿。一作上山雲閒時採藥，隨僧去，每月請

錢共客分。縣吏若非三載滿，自知無計更尋君。

送文著上人遊越

水石隨緣豈計程東吳相遇別西京
夜禪月下袈裟濕曉上山巔錫杖鳴
念我為官應易老羨師依佛學無生
越中多有前朝寺處處鐵一作金鐘石磬聲

送無可上人遊越

一作送無可住越州

清晨相訪立門前麻履方袍一少年
嬾讀經文求作佛願攻詩句覓昇一作成
仙芳春山影花連寺獨夜潮聲月滿船
今日送行偏惜別共師文字有因緣

送洛陽張員外

餞客未歸城東來騶騎迎千山嵩岳峭百縣洛陽清朔
雁和雲度川風吹雨一作雪晴鮮庭公事暇一作少應祇獨
吟行

送少府田中丞入西蕃

蕭關路絕久石堠亦為塵護塞空兵帳和戎在使臣風
沙去國遠雨雪換衣頻若問涼州事涼州多漢人

送王龜處士

送客客為誰朱門處士稀唯修曾子行不著老萊衣古

寺隨僧飯空林共鳥歸壺中駐年藥燒得獻庭闈

送崔郎中赴常州

貴是鵠原在紫微榮逢知己領黃扉人間盛事今全得
江上政聲復欲歸風起滿城山果落雨餘穿宅水禽飛
昔年嘗作毘陵客石峭泉清天下稀

送林使君赴邵州

詔書飛下五雲間才子分符不等閒驛路筭程多是水
州圖管地少於山江頭斑竹尋應遍洞裏丹砂自採還

清淨化人人自理終朝無事更相關

送別友人

一作別友人山居

獨

一作偶

向山中覓紫芝山人勾引住多時摘花浸酒春愁

盡燒竹煎茶夜卧遲泉落林梢多碎滴松生石底足旁

枝明朝却欲歸城市問我來期總

一作自

不知

送李琮歸靈州覲省

餞席離人起貪程醉不眠風沙移道路僕馬識山川塞
樹花開小關城雪下偏胡塵今已盡應便促朝天

送任畹評事赴沂海

擲筆不作尉戎衣從嫖姚嚴冬入都門僕馬氣益豪沂
州右鎮雄士勇旌旗高洛東無憂虞半夜開虎牢丈夫
貴功勲不貴爵祿饒仰眠作書生衣食何由銷任生非
常才臨事膽不搖必當展長畫逆波斬鯨鰲九陌塵土
黑話別立遠郊孟堅勒燕然豈獨在漢朝

送李餘及第歸蜀

蜀山高峯嶢蜀客無平才日飲錦江水文章盈其懷十

年作貢賓九年多遭迴春來登高科升天得梯階手持
冬集書還家獻庭闈人生此為榮得如君者稀李白蜀
道難羞為無成歸子今稱意行所歷安覺危與子久相
從今朝忽乖離風飄海中船會合難自期長安米價高
伊我常渴飢臨歧歌送子無聲但陳詞義交外不親利
交內相違勉子慎其道急若食與衣苦熱一作熱道路赤
跡一作行人念前馳一杯不可輕遠別方自茲

送饒州張使君

鄱陽勝事聞難比千里連連是稻畦山寺去時通水路
郡圖開處是詩題化行應免農人困庭靜惟多野鶴棲
飲罷春明門外別蕭條驛路夕陽低

送張宗原

東門送客道春色如死灰一客失意行十客顏色低住
者既無家去者又非歸窮愁一成疾百藥不可能一作能治

子賢我且愚命分不合齊誰開蹇躓門日日同遊樓子
行何所之切切食與衣誰能買仁義令子無寒飢野田

不生

一作草

草四向生路岐士人甚商賈終日須東西鴻雁

春北去秋風復南飛勉君向前路無失相見期

送王求

士有經世籌自無活身策求食道路間勞困甚徒役我
身與子同日被飢寒迫側望卿相門難入堅如石為農
昧耕耘作商迷貿易空把書卷行投人一作買罪責六

月南風多苦旱土色赤坐家心尚焦況乃遠作客羸馬
出郭門餞飲曉連夕願君似醉腸莫謾生憂感

送朱慶餘及第後歸越

勸君緩上車鄉里有吾廬未得同歸去空令相見踈山
晴棲鶴起天曉落潮初此慶將誰比獻親冬集書

送朱慶餘越州歸覲

鄉書落姓名太守拜親榮訪我波濤郡還家霧雨城海
山窗外近鏡水世間清何計隨君去鄰牆過此生

送任尊師歸蜀覲親

白雲修道者歸去春風前玉簡通仙籍金丹駐母年錦

文江一色酒氣兩相連衆說君平死真師易義全

送友人遊蜀

送君一壺酒相別野庭邊馬上過秋色舟中到錦川峽
猿啼夜雨蜀鳥噪晨煙莫便不迴首風光促幾年

送杜立歸蜀

迢遞三千里西南是去程杜陵家已盡蜀國客重行雪
照巴江色風吹棧閣聲馬嘶山稍煖人語店初明旅夢
心多感孤吟氣一作意不平誰為李白後為訪錦官城

送韓湘赴江西從事

年少登科客從軍詔命新行裝有兵器祖席盡詩人細
雨湘城暮微風楚水春潯陽應足雁夢澤豈無塵猿叫
來山頂潮痕在樹身從容多暇日佳句寄須頻

送潘傳秀才歸宣州

李白墳三尺嵯峨萬古名因君還故里為我弔先生晴
日移虹影空山出聚一作鶴聲老郎閒未得無計此中行

送僧默然

出家侍母前至孝自通禪伏日江頭別秋風檣下眠鳥
聲猿更促石色樹相連此路多如此師行亦有緣

送陟遐

霞一作

上人遊天台

萬疊赤城路終年遊客稀朝來送師去自覺有家非石
淨山光遠雲深海色微此詩成亦鄙為我寫巖扉

送盛秀才赴舉

重重吳越浙江潮刺史何門始得消五字州人唯有此
一作誰四鄰風景合相饒橘村籬落香潛度竹寺虛空

翠自飄君去九衢須說我病成踈嬾嬾趨朝

送僧貞實歸杭州天竺

石橋寺裏最清涼聞說茆庵寄上方林外猿聲連院一作

曉磬月中潮色到禪牀他生念我身何在此世唯師性

亦忘九陌相逢千里別青山重疊樹蒼蒼

送盧二弟茂才罷舉遊洛謁新一作劉相

踏碎作賦筆驅車出上京離筵俯岐路四坐半公卿守

命貧難擲憂身夢數驚今朝赴知己休詠苦辛行

送任畹及第歸蜀中覲親

子規啼欲死君聽固無愁闕下聲名出鄉中意氣遊東
川橫劔閣南斗近刀州神聖一作到處題前字千人看不休

送杜觀罷舉東遊

秋風離九陌心事豈云安曾是求名苦當知此去難辛
勤程自遠寂寞夜多寒詩句無人識應須把劍看

送狄兼暮下第歸故山

慈恩塔上名昨日敗垂成賃舍應無術居山豈釣聲半

年猶小隱數日得閒行映竹窺猿劇尋

一作循

雲探

一作採

鶴情

一作清

愛花高酒戶煮藥汙茶鐺莫便多時住煙霄

路在城

送源中丞赴新羅

赤墀賜

一作名

對使殊方官重霜臺紫綬光玉節在船清

海怪金函開詔拜夷王雲晴漸覺山川異風便那

一作寧

知道路長誰得似君將雨露海東萬里灑扶桑

送陳侔

一作綢一作彤

赴江陵從事

荊州勝事衆皆聞
幕下今朝又得君
才子何須藉一作中

科第男兒終久要
功勲江村竹樹多
於草山路塵埃半
是雲新什定知饒
景思不應一向賦
從軍

送張郎中副使赴澤潞

曉陌事戎裝
風流粉署郎
機籌一作權通變化
除拜出尋

常地冷饒霜
氣山高礙雁
行應無離別恨
車馬自生光

送陸暢侍御歸揚州

故園偏接近
雲水洞庭邊
歸去知何日
相逢各長年
山

川南北路風雪別離天
楚色窮冬燒淮聲獨夜
船從軍丞相府談笑酒杯前

送韋瑤校書赴越

寄家臨禹穴
乘傳出秦關
霜落橘滿地
潮來帆近山
相門賓益貴
水國事多閒
晨省高堂後
餘歡杯酒間

送雍陶及第歸覲

獻親冬集書
比橘復何如此
去關山遠相思
笑語踈路尋丹壑
斷人近白雲
居幽石題名處
憑君亦記余

送李秀才赴舉

羅剎樓頭醉送君
西入京秦吳無限地
山水半分程
海上煙霞濕闕中
日月明登科舊鄉里
當為改嘉名

送李傳秀才歸宣州

謝守青山宅
山孤宅亦平
池塘無復見
春草野中生
常日登樓望
今朝送客行
慙慙拂石壁
為我一書名

送元緒上人遊商山

萬法空門裏
師修歷幾生
過來心已悟
未到行彌精
溪

寂鐘還度林昏錫獨鳴朝簪抽未得此別豈忘情

送僧棲真歸杭州天竺寺

吏事日紛然無因到佛前勞師相借問知我亦通禪古
寺杉松出殘陽鐘磬連草庵盤石上歸此是因緣

送敬法師歸福州

結得隨緣伴蟬鳴方出關新經譯舊寺故國與誰還齋
為無鐘早心因罷講閒東南數千里何處不逢山

送清敬閣黎歸浙西

大地無生理吳中豈是歸自翻貝葉偈人施福田衣夏
盡灘聲出潮來日色微郡齋師去後寂寞夜吟稀

送賈島及鍾渾

日日攻詩亦自彊年年供應在名場春風驛路歸何處
紫閣山邊是草堂

送僧遊邊

一作送
無可

師向邊頭去邊人業障輕腥羶齋自潔部落講還成傳
教多離寺隨緣不計程三千世界內何處是無生

送澄江上人赴興元鄭尚書招

師經非紙上師佛在心中覺路何曾異行人自不同水
雲晴亦雨山木一作舍夜多風聞結西方社尚書待遠公

送馬戴下第客遊

昨來送君處亦是九衢中此日慙慙別前時寂寞同鳥
啼寒食雨花落暮春風向晚離人起一作別筵收罇未空

送薛二十三郎中赴婺州

我任浙江西君去浙江東日日心來往不畏浙江風

送獨孤煥評事赴豐州

東門攜酒送廷評，結束從軍塞上行。
深磧路移唯馬覺，斷蓬風起與鷗平。
煙生遠戍侵雲色，冰疊黃河長雪聲。
須鑿燕然山上石，登科記裏是閒名。

送張齊物主簿赴內鄉

一作送張主簿赴山

幾年山下事仙翁，名在長生錄籍中。
燒得藥成須寄我，曾為主簿與君同。

送王嗣之典儀城

日日思

一作困

朝位偷閒城外行唯求採藥者

一作法

不道

在官名

一作行

好異嫌山淺尋幽喜迳生病來文字拙不

休

一作

要把歸城

別賈島

嬾作住山人貧

一作官

家日

一作月

賃身書多筆漸秃睡少

枕長新野客狂無過詩仙瘦始真秋風千里去誰與我

相親

別李餘

病童隨瘦馬難筭往來程野寺僧相送河橋酒滯行足
愁無道性久客會人情何計羈窮盡同居不出城

別胡逸

記得春闈同席試逡巡何啻十年餘今日相逢又相送
予乘五馬子單車

惜別

酒闌歌罷更遲留攜手思量凭翠樓桃李容華猶歎月
風流才器亦悲秋光陰不覺朝昏過岐路無窮早晚休

似把剪刀裁別恨兩人分得一般愁

欲別

山川重疊遠茫茫欲別先憂別恨長紅芍藥花雖共醉
綠薜蘿影又分將鴛鴦有路高低去鴻雁南飛一兩行
惆悵與君煙景迴

一作隔

不知何日到瀟湘

別杭州

醉與江濤別江濤惜我遊他年婚嫁了終老此江頭

御定全唐詩卷四百九十六

欽定四庫全書

御定全唐詩卷四百九十七

姚合

寄賈島

漫

一作
雖

向城中住兒童不識錢甕頭寒絕酒竈額曉

一作

冷無煙狂發吟如哭愁來坐似禪新詩有幾首旋被世

一作
衆人傳

寄王度居士

欽定四庫全書

御定全唐詩

卷四百九十七

顯穎王居士顛狂不稱時天公與貧病時輩復輕欺茅
屋隨年借一作賃盤飧逐日移棄嫌官似夢珍重酒如師
無竹栽蘆看思山疊石為靜窗留客話古寺覓僧碁瘦
馬寒來死羸童餓得癡唯應尋阮籍心事遠相知

寄楊茂卿校書

去年別君時同宿黎陽城黃河凍欲合船入冰罅行君
為使滑州我來西入京丈夫不泣別旁人歎無情到京
就省試落籍先有名慙辱鄉薦書忽欲自受刑一本無此二句

還家豈無路羞為路人輕決心住城中百敗望一成腐
草衆所棄猶能化為螢豈我愚暗身終久不發明所悲
道路長親愛難合并還如舟與車奔走各異程耳目甚
短狹背面若聾盲一本無此四句安得學白日遠見君儀形

寄杜師義

出處難相見同城似異鄉點兵尋戶籍燒藥試仙方事
校十般別心還一種忙黃金如化得相寄一作分減亦何妨

寄陸渾縣尉李景先

微俸還應

一作

同請唯君獨自閒地偏無驛路樂賤管仙

山月色生松裏泉聲在石間吟詩復飲酒何事更相關

寄酬盧侍御

詩新得意恣狂疎揮手終朝力有餘今到詩家渾手戰
欲題名字倩人書

寄主客張郎中

年長方慕道金丹事參差故園歸未得秋風思難持蹇
拙公府棄朴靜高人知以我齊杖屨昏旭詎相離吟詩

紅葉寺對酒黃菊籬所賞未及畢後遊良有期
粲粲華省步屑屑旅客姿未同山中去固當殊路歧

寄郭縣尉李廓少府

歲滿休為吏吟詩著白衣愛山閒卧久在世此心稀
聽鶴向風立捕魚乘月歸比君才不及謬得侍彤闈

寄紫閣隱者

自聞樵客說無計得相尋幾世傳高卧全家在一林
養情一作書覽一作最苦一作採藥路多深願得為鄰里一作誰

能說此心

寄國子楊巨源

一作敬之祭酒

日日新詩出城中寫不禁清高疑

一作宜

對竹閒雅勝聞

一作聲

琴門戶饒秋景兒童解冷吟雲山今

一作余

作主還

借外人尋

寄永樂長官殷堯藩

故人為吏隱高卧簿書閒達院唯栽藥逢僧只說山此
宵歡不接窮歲信空還何計相尋去嚴風雪滿關

冬夜書事寄兩省閣老

天寒漸覺雁聲疎
新月微微玉漏初
海嶠只宜今日去
故鄉已過十年餘
髮稀豈易勝玄冕
眼暗應難寫諫書
閣下羣公盡高思
誰能攜酒訪貧居

寄靈一律師

梵書鈔律千餘紙
淨院焚香獨受持
童子病來煙火絕
清泉漱口過齋時

郡中書事寄默然上人

郡中饒野興過客亦淹留看月江樓曉尋山石徑秋意
一作竟歸何處老誰免此生愁長愛東林子安禪百事休

寄張溪

幽處尋書坐朝朝閉竹扉山僧封茗寄野客乞詩歸秋
卷多唯好時名屈更肥明年取前字杯酒賽春輝

寄李頻

閉門常不出一作性疎常似病惟覺長庭莎朋友來看少詩書

卧讀多命隨才共薄愁興醉一作酒相和珍重君名字新

登甲乙科

寄李羣玉

九衢名與利無計擾

一作擾是

間人道遠期輕

一作輕欺

世才高

貴重身石脂稀勝乳玉粉細於塵骨換肌膚膩心靈

一作

虛氣色真嵩山高到日洛水煖如春居住應安穩

一作隱

黃金幾竈新

病中書事寄友人

終日自纏繞此身無適緣萬愁生雨夜百病湊衰年多

睡憎明屋慵行待暖天
瘡頭梳有蟲風耳亂無蟬換白
方多錯迴金法不全家
貧何所怨將一作時在老僧邊

九日寄錢可復

數盃黃菊酒千里白雲天

一作仙

上國名

一作威

方振戎州

病未痊

一作綺陌人消得鄰州客謾顛

靜愁惟憶醉閒走

一作悶

不勝眠

惆悵

一作應念

東門別相逢知幾年

春日早朝寄劉起居

九衢寒霧斂雙闕曙光分
綵仗迎春日香煙接瑞雲
珮

聲清漏間天語侍臣聞
莫笑馮唐老還來謁聖君

秋日寄李支使

秋思朝來起
侵人暑稍微
曉眠離北戶
午飯尚生衣
山靜雲初白
枝高果漸稀
聞君家海上
莫與燕同歸

寄汴州令狐楚相公

汴水從今不復渾
秋風鼙鼓動城根
梁園臺館關東少
相府旌旗天下尊
詩好四方誰敢和
政成三郡自無冤
幾時詔下歸丹闕
還領千官入閤門

寄東都分司白賓客

一作居易

闕下高眠過十旬
南宮印綬乞離身
詩中得意應千首
海內嫌官只一人
賓客分司真是隱
山泉遶宅豈辭貧
竹齋晚起多無事
唯到龍門寺裏頻

寄裴起居

千官曉立鑪煙裏
立近丹墀是起居
彩筆專書皇帝語
書成幾卷太平書

寄狄

一作耿

拾遺時為魏州從事

少在兵馬間，長還繫戎職。難飛不得遠，豈要生羽翼。
三年城中遊，與君最相識。應知我中腸，不苟念衣食。
主人樹勲名，欲滅天下賊。愚雖乏智謀，願陳一夫力。
人生須氣健，飢凍縛不得。睡當一席寬，覺乃千里窄。
古人不懼死，所懼死一作徒死亦無益。至交不可合，一合難離拆。
君嘗相勸勉，苦語毒胸臆。百年心知同，誰限河南北。

金州書事寄山中舊友

安康雖好郡，刺史是慙翁。買酒終朝飲，吟詩一室空。
自

知為政拙衆亦覺心公親事星河在憂人骨肉同簿書
嵐色裏鼓角水聲中井邑神州接帆檣海路通野亭晴
帶霧竹寺夏多風漑稻長洲一作川白燒林遠岫紅舊山
期已失一作度芳草思何窮林下無相笑男兒五馬雄

寄紫閣無名頭陀自新羅來

峭行得如如誰分聖與愚不眠知夢妄無號免人呼山
海禪皆遍華夷佛豈殊何因接師話清淨在斯須

寄郁上人

此生修道淺愁見未來身誰為傳真諦唯應是上人自
悲年已長漸覺事難親不向禪門去他門無了因

寄孫路秀才

幽居鄰里少江際復山阿潮去

一作下

蟬聲出天晴鶴語

多老人能步蹇才子奈貧何曾見春官語年來虛甲科

寄安陸友人

別路在春色故人雲夢中鳥啼三月雨蝶舞百花風煙

束一作淨

遠山碧霞歌落照紅想君登此興迴首念飄蓬

寄馬戴

天府鹿鳴客，幽山秋未歸。
我方甚愛衆，說以為非。
隔屋聞泉細，和雲見鶴微。
新詩此處得，清峭比應稀。

寄賈島時任普州司倉

長沙事可悲，普掾罪誰知。
千載人空盡，一作老一家冤不

移。吟寒應齒落，才峭自名垂。
地遠山重疊，難傳相憶詞。

寄楊工部聞毘陵舍弟自罨溪入茶山

採茶溪路好，花影半浮沉。
畫舸僧同上，春山客共尋。
芳

新生石際幽嫩在山陰色是春光染香驚日氣侵試嘗
應酒醒封進定恩深芳貽一作千里外怡怡太府吟

寄陝州王司馬

家寄秦城非本心偶然頭上有朝簪自當臺直無因醉
一別詩宗更嬾吟世事每將愁見擾年光唯與老相侵
欲知居處堪長久須向山中學煮金

寄賈島

寂寞荒原下南山祇隔離家貧唯我並詩好復誰知草

色無窮處蟲聲少盡

一作歌

時朝昏鼓不到閒卧益相宜

寄崔之仁山人

百門坡上住石屋

一作室

兩三間日月難教老妻兒乞與

閒仙經

一作方

揀客問

一作示

藥

一作酒

債煮金還何計能相

訪

一作引

終身得在山

寄嵩嶽程光範

相別何容易相逢便歲年客來嫌路遠誰得到君邊
色鳥啼裏鐘聲竹影前只應訪支遁時得話詩篇

洛下夜會寄賈島

洛下攻詩客相逢祇是吟
夜觴歡稍靜寒屋坐多深
烏府偶為吏滄江長在心
憶君難就寢燭滅復星沉

寄華州李中丞

毛女峰前郡煙霞氣轉清
庭分靈掌影窗度瀑泉聲
蘚迺人稀到松齋藥自生
常食亦芝朮閒客是一作有公卿

看水逢仙鶴登樓見帝城
養生非酒病難隱是詩名
省署嘗連步江皋欲獨耕
偶題無六義聊以達微誠

病中辱諫議惠甘菊藥苗因以詩贈

蕭蕭一畝宮種菊十餘叢採摘和芳露封題寄病翁熟
宜茶鼎裏食稱石甌中香潔將何比從來味不同

舟行書事寄杭州崔員外

張頤任酒澆開眼信花燒舊國歸何滯新知別又遙夜
行篙觸石晚泊纜依橋若未重相見無門解寂寥

寄元緒上人

石窗紫蘚牆此世此清涼研露題詩潔消冰煮茗香閒

雲春影薄孤磬夜聲長何計休為吏從師老草堂

寄白閣默然

白閣峰頭雪城中望亦寒高僧多默坐清夜到明看世上無諸苦林間只一食嘗聞南北教所得比師難

夏日書事

一本無事字

寄丘元

一作元

處士

暑天難可度豈復更持觴樹裏鳴蟬咽宮中午漏長病夫心益躁靜者室應涼幾欲相尋去紅塵滿路旁

秋中寄崔道士

貧居雀喧噪况乃靜巷陌夜眠睡不成空庭聞露滴旁
有一杯酒歡然如對客月光久逾明照得筆墨白平生
志舒豁難可似茲夕四肢得自便雖勞不為役故人山
中住善治活身一作身心策五穀口不嘗比僧更閒寂我今
暫得安自謂脫幽戚君身長逍遙日月爭老得

寄華州崔中丞

蓮華峰下郡仙洞亦難勝閭里蒼苔水虛空瀑布冰酒
香和藥熟山峭過雲登清淨黎人泰唯憂急詔徵

秋日書事寄秘書竇少監

秋氣日騷騷
星星雙鬢毛
涼天吟自遠
清夜夢還高
林下期同去
人間共是勞
頭巾何所直
且漉甕頭糟

友人南遊不回因寄

相思春樹綠
千里亦依依
鄆杜月頻滿
瀟湘人不歸
桂花風畔落
煙草蝶雙飛
一別無消息
水南車跡稀

早春山居寄城中知己

陽和潛發蕩
蕩寒陰便
使川原景象
深入戶
風泉聲漉漉

當軒雲岫影沉沉，殘雲帶雨輕飄雪。
嫩柳含烟小綻金，雖有眼前詩酒興，
邀遊爭得稱閒心。

辭白賓客歸後寄

一作太尉李德裕自城外拜辭後歸弊居瞻望音徽即書

一絕
寄上

千騎紅旗不可攀，水頭獨立暮方還。
家人怪我渾如病，尊酒休傾筆硯間。

寄右史李定言

許渾集寄李定言律詩
第二三聯即此四句

纔歸龍尾含雞舌，更立螭頭運兔毫。
闔闔欲開金漏盡，

冕旒初坐御香高

寄絳州李使君

獨施清靜化千里管橫汾黎庶應深感朝廷亦細聞心
期在黃老家事是功勲物外須仙侶人間要使君花多
勻地落山近滿廳雲戎客無因去西看白日曛

寄送盧拱秘書

一作王秘書遊魏州

一作川

太行山下路荆棘昨來平一自開元後今逢上

一作至今通

客行地形吞北虜人事接東京埽灑氛埃靜遊從氣駭

生薊門春不艷淇水煖還清看野風情遠尋一作緣花酒

病成官閒身自在詩逸語縱橫一作詩好語分明車馬迴應晚

煙光滿去程

秋晚夜坐寄院中諸曹長

腰間垂印囊白髮未歸鄉還往應相責朝昏亦自傷窮
愁山影峭獨夜漏聲長寂寞難成寐寒燈侵曉光

書懷寄友人

精心奉北宗微官在南宮舉世勞為適開門事不窮年

來復幾日蟬去又鳴鴻衰疾誰人問閒情與酒通

文苑英華

有此四句他本或有或無

四鄰寒稍靜九陌夜方空知老何山是思

歸愚

一作愚歸幽

谷中

寄無可上人

十二門中寺詩僧寺獨幽多年松色別後夜磬聲秋見
世慮皆盡來生事更修終須執瓶鉢

一作屨

相逐入牛頭

寄暉上人

日出月復沒悠悠昏與明修持經幾劫清淨到今生林

下知無相人間苦是情終期逐師

一作蟬

去不擬老塵纓

寄李干

尋常自怪詩無味雖被人吟不喜聞見說與君同一格
數篇到火却休焚

寄賈島浪仙

悄悄掩門扉窮窘自維縶世途已昧履生計復乖緝疎
我非常性端峭爾孤立往還縱云久貧寒豈自習所居
率荒野寧似在京邑院落夕彌空蟲聲雁相及衣巾半

僧施蔬藥常自拾凜凜寢席單翳翳竈煙濕頰籬里人
度敗壁鄰燈入曉思已暫舒暮愁還更集風淒林葉萎
苔糝行徑澀海嶠誓同歸橡栗充朝給

寄九華費冠卿

一作拾遺

逍遙繒繳外高鳥與潛魚闕下無朝籍林間有詔書夜
眠青玉洞一作幽石洞曉飯白雲蔬四海人空老九華君獨
居此心誰復識日與世情疎

寄不疑上人

是法修行遍方棲不二門隨緣嫌寺著見性覺經繁所
歎身將老始聞師一言塵沙千萬劫盡佛長存

寄主客劉郎中

漢朝共許賈生賢遷謫還應是宿緣仰德多時方會面
拜兄何暇更論年嵩山晴色來城裏洛水寒光出岍邊
清景早朝吟麗思題詩應費益州牋

寄周十七起居

夔夔九陌鼓聲齊百辟朝天馬亂嘶月照濃霜寒更遠

風吹紅燭舉還低
官清立在金鑪北
仗下歸眠玉殿西
莫笑老人多獨出
晴山荒景覓詩題

秋夜寄默然上人

霜月靜幽居
閒吟夢覺初
秋深夜迢遞
年長意蕭疎
海上歸難遂
人間事盡虛
賴師方便語
漸得識真如

寄王玄伯

夜歸曉出滿衣塵
轉覺才名帶累一作累此
身莫覓一作憶舊

來一作時終日醉世間
盃酒屬閒人

寄山中友人

昨秋今復春役役是非身海上無歸路城中作老人流
年何處在白日每朝新聞有長生術將求未有因

寄陝府內兄郭周端公

蹇鈍無大計酷嗜進士名為文性不高三年住西京相
府執文柄念其心專精薄藝不退辱特列為門生事出
自非意喜常少於驚春榜四散飛數日徧八紘眼始見
花發耳得聞鳥鳴免同去年春兀兀聲與盲家寄河朔

間道路出陝城睽違逾十年一會豁素誠同游山水窮
狂飲飛大觥起坐不相離有若親弟兄中外無親疎所
筭在其情久客貴優饒一醉舊疾平家遠歸思切風雨
甚亦行到茲戀仁賢淹滯一月程新詩忽見示氣逸言
縱橫纏綿意千里騷雅文發明永晝吟不休咽喉乾無
聲羈貧重金玉今日金玉輕

寄題蔡州蔣亭兼簡田使君

幾歲亂軍裏蔣亭名不銷無人知舊徑有藥長新苗樹

宿山禽靜池通野水遙何因同此醉永望思蕭條

山居一作村寄友人

獨在山阿裏朝朝遂性情一作喜得山村處閒眠夢不驚曉泉和雨落

秋草上堦生因客始沽酒借書方到城詩情聊自遣不

一作宜是趁聲名

寄崔之仁山人

不得之仁消息久秋來體色復何如苦將杯酒判身病
狂作文章信手書官職卑微從客笑性靈閒野向錢疎

幾時身一作家計渾無事揀取深山一處居

寄主客劉員外禹錫

蟬稀蟲唧唧露重思悠悠靜者多便夜豪家不見秋同
歸方欲就一作遂微恙幾時瘳今日滄江上何人理釣舟

山中寄友人

路岐何渺邈在客易蹉跎却是去家遠因循住日多幾
看春草綠又見塞鴻過未有進身處忍教拋薜蘿

寄友人

日暮掩重扉抽簪復解衣漏聲林下靜螢色月中微秋
露露華結夜深人語稀殷勤故山路誰與我同歸

寄李餘卧疾

窮節彌慘慄我詎自云樂伊人嬰疾恙所對唯苦藥寂
寞行稍稀清羸食自薄幽齋外浮事夢寐亦簡略雪戶
掩復明風簾卷還落方持數杯酒勉子同斟酌

寄白石師

師無名常居白石谷中因為號

白石師何在師禪白石中無情雲可比不食鳥難同屢

下蒼苔雪龕前瀑布風相尋未有計只是禮虛空

寄賈島

踈拙祇如此此身誰與同高情向酒上無事在山中漸
老病難理久貧吟益空賴君時訪宿不避北齋風

寄默然上人

晨飡夜復眠日與月相連天下誰無病人間樂是禪幾
生通佛性一室但香煙結得無為社還應有宿緣

寄不出院僧

不行門外地齋戒得清真長食施來飯深居鎖定身朝
昏常傍佛起坐省逢人非獨心常淨衣無一點塵

萬年縣中雨夜會宿寄皇甫旬

縣齋還寂寞夕雨洗蒼苔清氣燈微潤寒聲竹共來蟲
移上堦近客一作起到門迴想得吟詩處唯應一作對
酒杯

寄舊山隱者

別君須臾間歷日兩度新念彼白日長復值人事并未

改當時居心事如野雲朝朝恣行坐百事都不聞奈何

道未盡出山最艱辛奔走衢路間四枝

一作肢

不屬身名

在進士場筆毫爭等倫我性本朴直詞理

一作野

安得文

縱然自稱心又不合衆人以此名字低不如風中塵昨

逢賣藥客云是居山鄰說君憶我心顚顚其形神昔是

同枝鳥今作

一作乃

萬里分萬里亦未遙

一作進

喧靜終難

羣

新一作所

居秋夕寄李廓

羈滯多共趣，屢屢同室眠。稍暇更訪詣，寧唯候招延。
媿君備蔬藥，識我性所便。罷吏童僕去，灑掃或自專。
古巷人易息，疎迴自江邊。幸當中秋夕，復此無雲天。
月華更漏清，露葉光彩鮮。四鄰亦悄悄，中懷益纏綿。
茲境罕能致，居閒得彌偏。數杯罷復飲，共想山中年。

贈盧大夫將軍

將軍身在城，詎得虜塵清。釀酒邀閒客，吟詩直禁營。
蒼鷹春不下，戰馬夜空鳴。碣石應無業，皇州獨有名。
上山

憊俗髀

字

重拔劒歎衣生公議今如此登壇到即行

贈供奉僧次融

會解如來意僧家獨有君開經對天子騎馬過聲聞本
寺遠於日新詩高似雲熱時吟一句涼冷勝秋分

贈王尊師

先生自說瀛州路多在青松白石間海岸夜中常見日
仙宮深處却無山犬隨鶴去遊諸洞龍作人來問大還
今日偶聞塵外事朝簪未擲復何顏

贈常州院僧

一住毘陵寺師應祇信緣院貧人施食窗靜鳥窺禪古
磬聲難盡秋燈色更鮮仍聞開講日湖上少魚船

贈盧沙彌小師

怕見世間事削頭披佛

一作剃掛緇

衣年小

一作少

未受戒會

解如老師天與出家腸一食齋不飢麻履踏雪路與馬
不肯騎嫌我身腥羶似我見戎夷彼此

一作比

見會異對

面成別離我師文宣王立教垂書詩但全仁義心自然

便慈悲兩教大體同無處辨

一作辨

是非莫以衣服別到

頭不相知

贈張籍太祝

絕妙江南曲淒涼怨女詩古風無手敵新語是人知飛

動應

一作終

由格功夫過却奇麟臺

一作儒書

添集

一作雜

卷樂

府換歌詞李白應先拜

一作許

劉禎

一作禎

必自

一作有

疑

貧須君子救病合國家醫野客

一作老

開山偕鄰僧與米

炊甘貧辭聘幣依選受官資多見愁連曉

一作晚

稀聞債

盡時聖朝文物一作墨盛太祝獨低眉

贈丘郎中

繞籬栽杏種黃精曉侍壚煙暮出城萬事將身求總易
學君難得是長生

贈王建司馬

久向空門隱交親亦不知文高輕古意一作語官冷似前

資老覺僧齋健貧還酒債遲仙方小字寫行坐把相隨

贈任士曹

憲皇十一祀共得春闈書道直淹曹掾命通侍玉除浮
生年月促九陌笑言踈何計同歸去滄江有弊廬

贈劉又

自君離海上垂釣更何人獨宿空堂雨閒行九陌塵避
時曾變姓救難似嫌身何處相期宿咸陽酒市春

贈僧紹明

西方清淨路北路出何門見說師知處從來佛不言今
生多病惱自曉至黃昏唯寐方無事那堪夢亦喧

贈張質山人

先生居處僻荆棘與牆齊酒好寧論價詩狂不著題燒
成度世藥踏盡上山梯嬾聽閒人語一作疑道爭如谷

鳥啼

贈少室山麻襦僧

祇辦麻為衲此中經幾春菴前多猛獸徑小絕行人泉
近漬一作瓶履山深少垢塵想師正法指喻我獨迷津

贈王山人

賢哲論猶誕吾宗次定今詩吟天地廣覺因果因深教
演歸恭敬名標中外欽既能施六度了悟達雙林

贈終南山傳山人

七十未成事終南蒼鬢翁老來詩興苦貧去酒腸空蟠
蟄身仍病鵬搏力未通已無燒藥本唯有著書功白馬

時何晚

老君度闕事也

青龍歲欲終

星紀躔次之義

生涯枯

一作苦

葉下

家口亂雲中潭靜魚驚水天晴鶴唳風悲君還姓傳獨
不夢高宗

使兩浙贈羅隱

平日時風好涕流，讒書雖盛一名休。
寰區歎屈瞻天問，夷貊聞詩過海求。
向夕便思青瑣拜，近年尋伴赤松遊。
何當世祖從人望，早以公台命卓侯。



欽定四庫全書

集部

御定全唐詩卷

四百九十五首

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官助教臣羅萬選

謄錄監生臣趙興文

欽定四庫全書

御定全唐詩卷四百九十八

姚合

閒居遣懷十首

身外無徭役
開門百事閒
倚松聽唳鶴
策杖望秋山
萍任連池綠
苔從匝地斑
料無車馬客
何必掃柴關
閒臥銷長日
親朋笑我疎
詩篇隨分有
人事度年無
情性僻難改
愁懷酒為除
誰能思此計
空備滿牀書

白日逍遙過看山復遠池展書尋古事翻卷改新詩
酒風前酌留僧竹裏棋同人笑相問羨我足閒時

好景時牽目茅齋興有餘遠山經雨後庭樹得秋初
道侶憐栽藥高人笑養魚優游隨本性甘被棄慵疎

永日厨煙絕何曾暫廢吟閒詩隨思緝小酒恣情斟
看月嫌松密垂綸愛水深世間多少事無事可關心

一生能幾日愁恨也無端遇酒醅酣飲逢花爛漫看青
雲非失路白髮未相干以此多攜解將心但自寬

萬事徒紛擾難關枕上身朗吟銷白日沈醉度青春演
步憐山近閒眠厭客頻市朝曾不到長免滿衣塵

野性多疎惰幽棲更稱情獨行看影笑閒坐弄琴聲嬾
拜腰肢硬慵趨禮樂生業一作詩文隨日遣不是為求名

生計甘寥落高名愧自由慣無身外事不信世間愁好
酒盈杯酌閒詩任筆酬涼風從入戶雲水更宜秋

拙直難和洽從人笑掩關不能行戶外寧解走塵間被
酒長酣思無愁可上顏何言歸去事著處是青山

武功縣中作三十首

一作武功縣閒居

縣去帝

一作京

城遠為官與隱齊馬隨山鹿放雞雜野禽

棲遶舍惟藤架侵堦是藥畦更師嵇叔夜不擬作書

一作

詩題

方拙天然性為官是

一作世

事疎惟尋向山路

一作道

不寄

入城書因病多

一作方

收藥緣食

一作溪

學釣魚養身成好

事此外更

一作盡

空虛

微官如馬足祇是在泥塵到處貧隨我終年老趁人薄

書銷眼力枯酒耗心神早作歸休計深居養一作過此身

簿書多不會簿俸亦難銷醉卧慵開眼閒行嬾繫腰移

花兼蝶至買石得雲饒且自心中樂從他笑寂寥

曉鐘驚睡覺事

一作世一作是

事便相關小市柴薪貴貧家砧

杵閒讀書多旋忘賒酒數空還長羨劉伶輩高眠出世

間

性疎常愛卧親故笑悠悠縱出多攜枕因衙始裹頭上

山方覺老過寺暫忘愁三考千餘日低腰不擬休

客至皆相笑詩書滿卧牀愛閒求病假因醉酒一作棄官

方鬢髮寒唯短衣衫瘦漸長自嫌多檢束不似舊來狂

一日看除目終年損道心山宜衝雪上詩好帶風吟野

客嫌知印家人笑買琴只應隨分過一作定是錯彌深

鄰里皆相愛門開數見過秋涼送客遠夜靜詠詩多就

架題書目尋欄記藥窠到官無別事種得滿庭莎

窮達天應與人間事莫論微官長似客遠縣豈勝村竟

日無多食連宵不閉門齋心調筆硯唯寫五千言

縣僻仍牢

一作寥

落遊人到便迴路當邊地去村入郭門

來酒戶愁偏長詩情病不開可曾衙小吏恐謂

一作踏為

青苔

自下青山路三年著綠衣官卑食肉僭才短事

一作字人

非野客教長醉高僧勸早歸不知何計是免與本心違

日出方能起庭前看種莎更來山鳥散酒熟野人過岐

路荒城少煙霞遠岫多同官數

一作更

相引下馬上西陂

作吏荒城裏窮愁欲不勝病多惟識藥年老漸親僧夢

覺空堂月詩成滿硯冰故人多得路寂寞不相稱

誰念東山客棲棲守印牀何年得事盡終日逐人忙醉

卧誰

一作惟

知叫閒書不著

一作正

行人間長

一作尚

檢束與

此豈相當

朝朝眉不展多病怕逢迎引水遠通澗壘山高過城秋
燈照樹色寒雨落池聲好是吟詩夜披衣坐到明

簿籍誰能問風寒趁早眠每旬常乞假隔月探支

一作請官

錢還往嫌詩僻親情怪酒顛謀身須上計終久是歸田

閉門風雨裏落葉與堦齊野客嫌梧小山翁喜枕低聽
琴知道性尋藥得詩題誰更能騎馬閒行祇杖藜

腥羶都不食稍稍覺神清夜犬因風吠鄰雞帶雨鳴守

官常卧病學道別稱名小一作有洞中路誰能引我行

宦名渾不計酒熟且開封晴月銷燈一作雲色寒天挫筆

鋒驚禽時並起閒客數相逢舊國蕭條思青山隔幾重

假日多無事誰知我獨忙移山入縣宅種竹上城牆驚

蝶遺花蕊遊蜂帶蜜香唯愁明早出端坐吏人旁

門外青山路因循自不歸養生間

一作

宜縣僻說品喜官

微淨愛山僧飯間披野客衣誰憐幽谷鳥不解入城飛
一官無限日愁悶欲何如掃舍鷲巢燕尋方落壁魚從
僧乞淨水憑客報閒書白髮誰能鑷年來四十餘

朝朝門不閉長似在山時賓客抽書讀兒童斫竹騎久
貧還易老多病嬾能醫道友應相怪休官日已遲

戚戚常無思循資格上官閒人得事晚常骨覓

一作仙學

難醉卧疑身病貧居覺道寬新詩久不寫自算少人看

漫作容身計今知拙有餘青衫

一作袍

迎驛使白髮憶山

居道友憐蔬食吏人嫌草書須為長久事歸去自耕鋤
主印三年坐山居百事休焚香開牧庫踏月上城樓飲
酒多成病吟詩易長愁慙問漁者暫借手中鉤
長憶青山下深居遂性情壘堦溪石淨燒竹竈煙輕點
筆圖雲勢彈琴學鳥聲今朝知縣印夢裏百憂生

自知狂僻性吏事固相疎祇是看山立無嫌

一作因

出縣

居印朱霑墨硯戶籍雜經書月俸尋常請無妨

一作嫌

乏

斗儲

作吏無能事

一作渾無思

為文舊致

一作著

功詩標八病外心落百

憂中拜別登朝客歸依鍊藥翁不知還往內誰與此心同

罷武功縣將入城

乍拋衫笏覺身輕依舊還稱學道名欲泥山僧分屋住
羞從野老借牛耕妻兒盡怕為逋客親故相邀遣到城
無奈同官珍重意幾迴臨路却休行

青衫脫下便狂歌種薤

一作李

栽莎

一作桃

劉古坡野客相

逢添酒病春山暫上著詩魔亦知官罷貧還甚且喜閒
來睡得多欲與九衢親故別明朝拄杖始經過

秋日閑居二首

九陌宅重重何門憐此翁荒庭唯菊茂幽徑與山通落
葉帶衣上閒雲來酒中此心誰得見林下鹿應同

先憶花時節家山聽更

一作及早

歸愛詩看古集憶酒典寒

衣睡少身還健愁多食不肥自憐疎懶性無事出門稀

閑居晚夏

閒居無事擾舊病亦多痊選字詩中老看山屋外眠片
霞侵落日繁葉一作柳咽鳴蟬對此心還樂誰知乏酒錢

閒居

不自識疎鄙終年住在城過門無馬跡滿宅是蟬聲帶
病吟雖苦休官夢已清何當學禪觀依止古先生

街西居二首

受得山野性住城多事違青山在宅南迴首東西稀淺
淺一井泉數家同汲之獨我惡水濁鑿井庭之陸自鑿

還自飲亦為衆所非吁嗟世間事潔身誠難為

日出窮巷喜溫然勝重衣重衣豈不煖所煖人不齊兀

兀復行行不離堦與墀丈夫非馬蹄一作安得能

知路岐窮賤殮如薄興與養性宜乃知長生術豪

貴難得之

閒居遣興

終年城裏住門戶似山林客怪身名晚妻嫌酒病深
寫方多識藥失譜廢彈琴文字非經濟空虛用破心

莊居即事

休看小字大書名向日持經眼却明時過無心求富貴
身閒不夢見公卿因尋岳寺葦辛斷自到王城禮數生
斜月照牀新睡覺西風半夜鶴來聲

親仁里居

三年賃舍親仁里寂寞何曾似在城飲酒自緣防冷病
尋人多是為閒行軒車無路通門巷親友因詩道姓名
自別青山歸未得羨君長聽石泉聲

莊居野行

客行野田間，比屋皆閉戶。
借問屋中人，盡去作商賈。
官家不稅商，稅農服作苦。
居人盡東西，道路侵壠畝。
採玉上山顛，探珠入水府。
邊兵索衣食，此物同泥土。
古來一
人耕，三人食。
猶飢如今，千萬家。
無一把鋤犁，我倉常空虛。
我田生蒺藜，上天不雨粟。
何由活蒸黎。

春日閒居

居止日蕭條，庭前唯藥苗。
身閒眠自久，眼老

音吃事異也一作暗

視還遙簷燕酬鶯語鄰花雜絮飄客來無酒飲搔首擲
空瓢

獨居

深閉柴門長不出功夫自課少閒時翻音免問他人字
覆局何勞對手碁生計如雲無定所窮愁似影每相隨
到頭歸向青山是塵路茫茫欲告誰

早春閑居

寂寞日何為閒貧一作居春色遲驚風起庭雪寒雨長簷

漸強飲樽中酒

一作區中事

嘲山世外詩此生仍且在難與

老相離

原上新居

一作王建詩

秋來梨果熟行哭小兒飢鄰富難長往莊貧客漸稀
借牛耕地晚賣樹納錢遲牆下當官道依前夾竹籬

將歸山

野人慣去山中住自到城來悶不勝宮樹蟬聲多却樂
侯門月色少於燈飢來唯擬重餐藥歸去還應只別僧

聞道舊溪茆屋畔春風新上數枝藤

山中述懷

為客久未歸寒山獨掩扉曉來山鳥散雨過杏花稀
天遠雲空積溪深水自微此情對春色盡醉欲忘機

偶然書懷

十年通籍入金門自媿名微枉措紳鍊得丹砂疑不食
從茲白髮日一作自相親家山迢遞歸無路
栖酒稀疎病

到一作在身漢有馮唐唐有我老為郎吏更何人

客舍有懷

旅人無事喜終日

一作夜

思悠悠逢酒嫌枯淺尋書怕字

稠貧來許錢聖夢覺見身愁寂寞中林下飢鷹望到秋

及第後夜中書事

夜睡常驚起春光屬野夫新銜添一字舊友遞前途喜
過還疑夢狂來不似儒愛花持燭看憶酒犯街沽天上
名應定人間盛更無報恩丞相閣何啻殺微軀

偶題

年年九陌看春還，舊隱空勞夢寐間。遲日逍遙芸草長，

聖朝清淨諫臣

一作書

閒偶逢遊客，同傾酒自有前騶恥。

見山道侶書來相責，誚朝朝欲報作

一作又

何顏。

感時

憶昔未出身，索寞無精神。逢人話天命，自賤如埃塵。君
今纔出身，馳驅鞍馬春。逢人話天命，自重如千鈞。信涉
名利道，舉動皆喪真。君今自世情，何況天下人。

憶山

閒處無人到，垂疎稱野情。
日高搔首起，林下散衣行。
泉引窗前過，雲看石罅生。
別來愁欲老，虛負出山名。

客遊旅懷

客行無定止

一作處

終日

一作多在

路岐間。馬為賒來貴，僮緣

一作因

借得頑。詩書愁觸雨，店舍喜逢山。
舊業嵩陽下，三

年未

一作不

得還

迎春

半年留醉待花開，曉去迎春夜始迴。
風煖慢行尋曲水，

天晴遠望立高臺亦知無處將詩請
唯得終朝把酒催
今日柳條全弄色
遊人相伴看春來

遊春十二首

正月一日後尋春更不眠
自知還近僻衆說過於

一作如

顛省水寧依路登山欲到天
悠悠芳思起多是晚風前
官卑長少事縣僻又無城
未曉衝寒起迎春忍病行
樹枝風掉軟菜甲土浮輕
好箇一作最好林間鵲今朝足喜聲
詩酒相牽引朝朝思不窮
苔痕雪水裏春色竹煙中迎

雨緣池草推一作准

一作

花倚樹風書

一作畫

非名利事愛此少

人同

塵中主印吏誰遣有高情趁煖簷前坐尋芳樹底行土

融凝墅

一作野

色冰敗滿池聲漸覺春相泥朝來睡不輕

踈頑無異事隨例但添年舊歷藏深篋新衣薄絮綿暖

風渾酒色晴日暢琴絃同伴無辭因遊春貴在先

看春長不足豈更覺身勞寺裏花枝淨山中水色

一作氣

高嫩雲輕似絮新草細如毛併起詩人思還應費筆毫

悠悠小縣吏顛顛入新年
遠思遭詩惱閒情被酒牽
戀花林下飲愛草野中眠
踈嬾今成性誰人肯更憐

處處春光遍遊人亦不稀
向陽傾冷酒看影試一作著新衣嫩

樹行移長幽語旋飛同來
皆去盡衝夜獨吟一作行歸

朝朝看春色春色似相憐
酒醒鶯啼裏詩成蝶舞前
摘花盈手露折竹滿庭煙
親故多相笑踈狂似少年

卑官還不惡行止得逍遙
晴野花侵路春陂水上橋
塵埃生暖色藥草長新苗
看却煙光散狂風處處飄

身被春光引經時更不歸嚼花香滿口書

一作畫

竹粉粘

衣弄日鶯狂語迎風蝶倒飛自知踈嬾性得事亦應稀
曉脫青衫出閑行氣味長一瓶春酒色數頃野花香朝
客聞應羨山僧見亦狂不將僮僕去恐為損風光

買春

閒人祇是愛春光迎得春來喜欲狂買酒怕遲教走馬
看花嫌遠自移牀嬌鶯語足方離樹戲蝶飛高始過牆
顛倒醉眠三數日人間百事不思量

春日即事

春來眠不得誰復念生涯
聽四鄰樂朝尋九陌花輕
煙浮草色微雨濯年華
乞暇非關病朝衣在酒家

春日江次

野步出郊齋閒行坐石臺
久悲鄉路遠猶喜杏花開
鷗鷺皆飛去帆檣何處來
因凝千里目落日尚徘徊

揚州春詞三首

廣陵寒食天無霧復無煙
煖日凝花柳春風散管絃
園

林多是宅車馬少於船莫喚遊人住遊人因不眠

滿郭是春光街衢土亦香竹風輕履舄花露膩衣裳
谷鳥鳴還艷山夫到更狂可憐遊賞地煬帝國傾亡

江北煙光裏淮南勝事多市鄜持燭入鄰里漾船過有
地唯栽竹無家不養鶯春風蕩城郭滿耳是笙歌

寒食

一本有書
事二字

二首

一作張
籍詩

今朝一百五出戶雨初晴舞愛雙飛蝶歌聞百轉鶯
江深青草岼花滿白雲城為政多孱懦應無酷吏名

出城煙火少，況復是今朝。閒坐將誰語，臨觴只自謠。
前春蘚徧衣，上落花飄伎。樂州人戲使君心，寂寥。

暮春書事

窮巷少芳菲，蒼苔一徑微。酒醒聞客別，年長送春歸。
宿願眠雲嶠，浮名繫鎖闥。未因丞相庇，難得脫一作解朝衣。

春晚雨中

寂寂春將老，閒人強自歡。迎風鶯語澀，帶雨蝶飛難。
傍砌木初長，眠花景漸闌。臨軒平目望，情思若為寬。

送春

昨迎今復送來晚去逡巡芳盡空繁樹愁多獨病身靜
思傾酒嬾閒望上樓頻為向春風道明年早報春

別春

留春不得被春欺春若無情遣泥誰寂寞自疑生冷病
淒涼還似別親知隨風未辨歸何處澆酒唯求住少時
一去近當三百日從朝至夜是相思

夏夜

閒齋深夜靜獨坐又閒行密樹月籠影疎籬水隔聲斷
援時叫谷棲鳥每搖掣寂寞求名士誰知此夕情

秋日有懷

秋來不復眠但覺思悠然菊色欲經露蟲聲漸替蟬詩
情生酒裏心事在山邊舊里無因到西風又一年

秋夕遣懷

昨宵白露下秋氣滿山城風勁衣中脆窗虛筆墨輕臨
書愛真一作跡避酒怕狂名祇一作擬隨麋鹿悠悠一作

山過一生

一本題作秋日山中前四句作秋來長早起拄杖繞階行風冷衣裳晚天寒筆硯清餘同

秋中夜坐

疎散永無事不眠常夜分月中松露滴風引鶴同聞

同衛尉崔少卿九月六日飲

酒熟菊還芳花飄盞亦香與君先一醉舉世待重陽風色初晴利蟲聲向晚長此時如不飲心事亦應傷

九日憶硯

一作硯

山舊居

帝里閒人少誰同把酒梧硯山籬下菊今日幾枝開曉

角驚眠起秋風引病來長年歸思切更值鴈聲催

秋晚江次

蕭蕭晚景寒獨立望江壩沙渚幾行雁風灣一隻船落霞澄返照孤嶼隔微煙極目思無盡鄉心到眼前

除夜二首

衰殘歸未遂寂寞此宵情舊國當千里新年隔數更寒猶近北峭風漸向東生誰見

一作想

長安陌晨鐘度火城

慇懃惜此夜此夜在逡巡燭盡年還別雞鳴老更新難

聲方去疫酒色已迎春明日持杯處誰為最後人

晦日送窮三首

年年到此日澀酒拜街中萬戶千門看無人不送窮
送窮窮不去相泥欲何為今日官家宅淹留又幾時
古人皆恨別此別恨消魂只是空相送年年不出門

詠雲

靄靄紛紛不可窮
婁歌處盡隨龍來依銀漢一千里
歸傍巫山十二峰
呈瑞每聞開麗色避風仍見挂喬松

憐君翠染雙蟬鬢鏡裏朝朝近玉容

詠雪

愁雲殘臘下陽臺混却乾坤六出開與月交光呈瑞色
共花爭艷傍寒梅飛隨郢客歌聲遠散逐宮娥舞袖迴
其那知音不相見剡溪乘興為君來

郡中對雪

霏微著草樹漸布與堦平遠近如空色飄颻無落聲飛
鴉疑翅重去馬覺蹄輕遙想故山下樵夫應滯行

對月

銀輪玉兔向東流
瑩淨三更正好遊
一片黑雲何處起
卓羅籠却水精毬

八月十五夜看月

亭亭千萬里
三五復秋中
此夕光應絕
常時思不同
九霄微有露
四海靜無風
惆悵逡巡別
誰能看碧空

賦一本無月華臨靜夜

賦字

長空埃壒滅皎皎月華臨
色正秋將半光鮮夜自深
九

霄晴更徹四野氣難侵靜照遙山出孤明列宿沈高人
應不寐驚鵲復何心漏盡東方曉佳期何處尋

酬任疇協律夏中苦雨見寄

銀漢波瀾溢經旬雨未休細聽宜隔牖遠望憶高樓風
急飄還斷雲低落更稠走童驚掣電飢鳥啄浮漚絲網
張空際蛛一作珠繩續瓦溝青蛙多入戶潢潦欲勝舟雷

怒疑山破池渾似土流灰人漫襍厭水馬恣沈浮廣
陌應翻浪貧居恐作湫陽精藏不耀陰氣盛難收遠色

重林暮繁聲四壁秋

一本無此四句

望晴思見日防冷欲

一作擬

披裘枕潤眠還嬾車羸出轉憂散空煙漠漠迸溜竹修

修

一本無此二句

樹暗蟬吟咽巢傾燕語愁琴書涼簟淨燈燭

夜窗幽天下

一作上

那能向

一作問

龍邊豈易求濕煙凝竈

額荒草覆牆頭酒思淒方罷詩情耿始抽

一作遠思成涯淡佳期念

阻下牀先仗

一作杖

屐汲井恐飄

一作抵

甌危坐徒相憶佳

期未有由勞君寄新什終日不能

一作清韻益難酬

和座主相公雨中作

清氣潤華屋東風吹雨勻花低驚艷重竹淨覺聲真山
際凝如霧雲中散似塵蕭蕭下碧落點點救生民緩灑
雷霆細微露瓦礫新詩成難繼和造化筆通神

惡神行雨

凶面一作

神扇簸惡神行汹涌挨排白霧生風擊水凹波

撲凸雨潦山口地嵌坑龍噴黑氣翻騰滾鬼掣紅光劈

劃損

音征引也

哮吼忽雷聲揭石滿天啾唧鬧轟轟

苦雨

江昏山半晴南阻絕人行葭菼連雲色松杉共雨聲
早秋仍燕舞深夜更鼃鳴為報迷津客訛言未可輕

御定全唐詩卷四百九十八

欽定四庫全書

御定全唐詩卷四百九十九

姚合

題鳳翔西郭新亭

西郭塵埃外新亭制度奇地形當要處人力是閒時結

構方殊絕高低更合宜棟梁清俸買松竹遠山移佛一作

僧寺幽難敵仙家景一作境可追一作遺良工慙巧盡上客

恨逢遲兩面寒一作清波漲當前軟一作嫩柳垂清虛宜月

入涼冷勝風吹宴賞軍容靜登臨妓樂隨魚龍聽絃管

鳬鶴識旌旗泛鷁春流闊飛觴白日歌閒花

一作雲

長在

戶嫩蘚乍緣墀永望情無極頻來因不辭雲峰晴轉翠

一作出

煙樹曉

一作晚

逾滋向野惟貪靜臨空遽覺危行人

如不到遊樂更何

一作信虛為

題金川西園九首

江榭

亭亭白雲榭下有清江流見江不得親不如波上鷗有

榭江可見無榭無雙眸

藥堂

僮僕不到闕雙扉常自關
四壁畫遠水堂前聳秋山
時聞有仙鼠竊藥簷隙間

草閣

編草覆柏椽軒扉皆竹織
閣成似僧居學僧居未得有
時公府勞還復來此息

松壇

盤盤松上蓋下覆青石壇月中零露垂日出露尚溥山

翁稱絕境海橋

一作嶠

無所觀

菱徑

藥院徑亦高往來踏菱影方當繁暑日草屨微微冷愛
此不能行折薪坐煎茗

垣竹

種竹愛庭際亦以資玩賞窮秋雨蕭條但見牆垣長宣
尼高數仞固應非土壤

石庭

布石滿山庭
磴磴潔還清
幽人常履此
月下屐齒鳴
藥草枝葉動
似向山中生

莓苔

一作苔階

茅堂階豈高
數寸是苔蘚
只恐秋雨中
窗戶亦不濺
眼前無此物
我情何由遣

芭蕉屏

芭蕉叢叢生
月照參差影
數葉大如牆
作我門之屏
稍

稍聞見稀耳目得安靜

杏溪十首

杏溪

桃花四散飛桃子壓枝垂寂寂青陰裏幽人舉步遲慙
念此徑我去復來誰

蓮塘

方塘菡萏高繁豔相照耀幽人夜眠起忽疑野中燒曉
尋不知休白石岸亦峭

架水藤

濛濛紫花藤下復清溪水若遣隨波流不如風飄起風飄或近堤一作人隨波千萬里

飄或近堤

人一
作

隨波千萬里

石潭

曉向潭上行夕就潭邊宿清冷無波瀾澹澹

潘岳賦翫
游儵之湫

游 澌
行 音
貌 閉

魚相逐釣翁坐不起見我往來熟

溪路

此路何瀟灑永無公卿跡日日多往來藜杖與桑屨路

邊何所有磊磊青淥石

望江峰

念昔有此峰在彼江陵先舉世未能知愚亦望同賢我
來心益悶欲上天公牋

杏水

不與江水接自出林中央穿花復遠水

一作遠澗

一山聞杏

香我來持茗甌日屢此來

一作夕坐烹

嘗

渚上竹

葉葉新春筠下復清淺流微風屢此來決決復脩脩詩
人月下吟月墮吟不休

楓林堰

森森楓樹林護此石門堰杏隄數里餘楓影覆亦徧鷓
鴒與釣童質異同所願

石瀨

散漫復潺湲半砂半和石清風波亦無歷歷魚可搦我
來亦屢久歸路常日夕

陝下厲玄侍御宅五題

濯纓溪

舊山寧要去此有濯纓泉
曉景松枝覆秋光月色連
行尋屐齒盡坐對角巾偏
寂寂幽棲處無妨請俸錢

垂釣亭

由釣起茅亭柴扉復竹楹
波清見絲影坐久識魚情
白鳥依窗宿青蒲傍砌生
欲同漁父舍須自減逢迎

吟詩島

一作臺

幽島蘚層層詩人日日登坐危石是榻吟冷唾成冰靜
對唯秋水同來但老僧竹枝題字一作寄處小篆復誰能

竹裏徑

微徑嬋娟裏唯聞靜者知跡深苔長處步狹笋生時高
是連幽樹窮應到曲池紗巾靈壽杖行樂復相宜

泛觴泉

不上酒家樓池邊日獻酬杯來轉巴字客坐遶方流酌
滴苔紋斷泉連石岸秋若能山下置歲晚願同遊

題僧院引泉

泉眼高千尺山僧取得歸
架空橫竹引鑿石透渠飛
洗藥溪流濁澆花雨力微
朝昏長遶看護惜似持衣

題家園新池

一本無
題字

數日自穿池引泉來近陂
尋渠通咽處遶岸待清時
深好求魚養閒堪與鶴期
幽聲聽難盡入夜睡常遲

詠盆池

一本無
詠字

浮萍重疊水團圓客遶千遭
屐齒痕莫驚池裏尋常滿

一井清泉是上源

買太湖石

我嘗遊太湖愛石青嵯峨波瀾取不得自後長咨嗟奇
哉賣石翁不傍豪貴家負石聽苦吟雖貧亦來過貴我
辨識精取價復不多比之昔所見珍怪頗更加背面淙
注痕孔隙若琢磨水稱至柔物湖乃生壯波或云此天
生嵌空亦非他氣質偶不合如地生江河置之書房前
曉霧常紛羅碧光入四鄰牆壁難蔽遮客來謂我宅忽

若巖之阿

天竺寺殿前立石

補天殘片女媧拋撲落禪門壓地坳霹靂劃深龍舊攬
屈盤痕淺虎新抓苔粘月眼風挑剔塵結雲頭雨磕敲
秋至莫言長屹立春來自有薜蘿交

杭州觀潮

樓有章

一作樟

亭號濤來自古今勢連滄海闊色比白雲

深怒雪驅寒氣狂雷散大音浪高風更起波急石難沈

鳥懼多遙過龍驚不敢吟
拗如開玉穴危似走瓊岑
但褫千人魄那知伍相心
岸摧連古道洲漲踏叢林
跳沫山皆濕當江日半陰
天然與禹鑿此理遣誰尋

題李頻新居

賃居求賤處深僻任人嫌
蓋地花如繡當門竹勝簾
勸僧嘗藥酒教僕辨一作認書
簽庭際山宜小休令著石添

寄題縱上人院

營營是與非前樂後還悲
今世已如此他生願似師
禪

房空旦暮畫壁半陳隋
逶迤徑蒼苔
跡幽人來是誰

題山寺

千重山崦裏樓閣影參差
未暇尋僧院
先看置寺碑
竹深行漸暗
石穩坐多時
古塔蟲蛇善
陰廊鳥雀癡
雲開上界近
泉落下方遲
為愛青桐葉
因題滿樹詩

題貞女祠

此女骨為土
貞名不可移
精靈閔何處
蘋藻奠空祠
水石生異狀
杉松無病枝
我來方謝雨
延滯失歸期

題刑部馬員外修行里南街新居

帝里誰無宅青山祇屬君
閒窗連竹色幽砌上苔文
遠近高低樹東西南北雲
朝朝常獨見免被四鄰分

題郭侍郎親仁里幽居

入門塵外思苔徑藥苗間
洞裏應生玉庭前自有山
帝城唯此靜朝客更誰閒
野鶴松中語時時去復還

題

一作游

宣義池亭

春入池亭好風光暖更鮮
尋芳行不困逐勝坐還遷
細

草亂如髮幽禽鳴似絃苔文翻古篆石色學秋天花落
能漂酒萍開解避船暫來還愈一作猶羗疾久住合成仙迸

笋搗堦起垂藤壓樹偏此生應借看自計一作料買無錢

題薛十二

一作池亭建詩

每日樹邊消一日遶池行過又須行異花多是非時有
好竹皆當要處生斜立小橋看島勢遠移幽石作泉聲
浮萍著岸風吹歇水面無塵晚更清

題大理崔少卿駙馬林亭

每來歸意懶都尉似山人臺榭栖

一作停

雙鷺松篁隔四

鄰迸泉清勝雨深洞暖如春更看題詩處前軒粉壁新

題杭州南亭

舊隱即雲林思歸日日深如今來此地無復有前心古

石生靈草長松栖異禽暮潮簷下過濺浪濕衣襟

題鄭

一作崔

駙馬林亭

東園連宅起勝事與心期幽洞自生藥新篁迸入池密
林行不盡芳草坐難移石翠疑無質鶯歌似有詞莎臺

高出樹蘚壁淨題詩我獨多來賞

一作此

几衢人不知

題厲玄侍御所居

幽棲一畝宮清峭似山峰鄰里不通徑俸錢唯買松野人時寄宿谷鳥自相逢朝路牀前是誰知曉起慵

題田將軍宅

焚香書院最風流莎草綠牆綠蘚秋近砌別穿澆藥井臨街新起看山樓棲禽戀竹明猶在閒客觀花夜未休好是暗移城裏宅清涼渾得似江頭

題崔駙馬宅

心在林泉身在城鳳凰樓下得閒名
洞中見鑿尋仙路月裏猶燒煮藥鐺
數樹異花皆敕賜並竿修竹自天生
詩人多說離君宅不得青苔地上行

題河上亭

亭亭河上亭魚躑水禽鳴九曲何時盡
千峰今日清晨光秋更遠暑氣夏常輕
柸裏移檣影琴中有浪聲岸莎連砌靜
漁火入窗明來此多沈醉神高無宿醒

題長安薛員外水閣

亭亭新閣成風景益鮮明石盡太湖色水多湘渚聲翠筠和粉長零露逐荷傾時倚高窗望幽尋小徑行林疎看鳥語池近識魚情政暇招閑客唯將酒送迎

題梁國公主池亭

平陽池館枕秦川門鎖南山一帶煙素柰花開西子面綠榆枝種沈郎錢裝簾玳瑁隨風落庭岸鵲鵲趁煖眠寂寞空餘歌舞地玉簫驚起鳳歸天

寄題尉遲少卿郊居

卿仕在關東林居思不窮
朝衣挂壁上廐馬放田中
隅坐唯禪子隨行只藥童
砌莎留宿露庭竹出清風
濃翠生苔點辛香發桂叢
蓮池伊水入石徑遠山通
愚者心還靜高人跡自同
無能相近住終日羨鄰翁

題永城驛

秋賦春還計盡違
自知身是拙求知
惟思曠海無休日
却喜孤舟似去時
連浦一程兼汴宋
夾堤千柳雜唐隋

從來此恨皆前達
敢負吾君作楚詞

御定全唐詩卷四百九十九

寄題尉遲少卿郊居

卿仕在關東林居思不窮
朝衣挂壁上廐馬放田中
隅坐唯禪子隨行只藥童
砌莎留宿露庭竹出清風
濃翠生苔點辛香發桂叢
蓮池伊水入石徑遠山通
愚者心還靜高人跡自同
無能相近住終日羨鄰翁

題永城驛

秋賦春還計盡違
自知身是拙求知
惟思曠海無休日
却喜孤舟似去時
連浦一程兼汴水
夾堤千柳雜唐隋

從來此恨皆前達
敢負吾君作楚詞

御定全唐詩卷四百九十九